



**ATASSUT**

**UPA15/19-1**

**Siverth K. Heilmann**

**11.03.2015**

**Raajanut qaleralinnullu licensit killeqanngitsumik piffissalerlugit pigineqartarnerisa Aalisarneq pillugu inatsisartut inatsisaat nr. 18, 31. Oktober 1996-imeersoq-mi § 14 atorlugu, ukiumik tallimanik sioqqutsisumik ilimasaaruteqarnikkut killilerneqartalersinnaanerit aningaasaqarnikkullu kinguneqaatissat ilanngullugit – Naalakkersuisut UKA 2015-imi saqqummiussassamik misissueqqullugit peqquneqarnissaannik Inatsisartut aalajangiiffigisassaattut siunnersuut.**

(Inatsisartuni ilaasortaq Nikolaj Jeremiassen, Siumut)

*Siullermeerinnineq*

Aallaqqaammut ATASSUT-miit inatsisartuni ilaasortaq Nikolaj Jeremiassen Siumut qutsavigissavarput raajartassat qaleralittassallu inunnit ataasiakkaanit selskabinillu ataasiakkaanit pigineqartartut nutaamik nalilersuivigineqarnissaat siunertaralugu Naalakkersuisut inatsisartut 2015-ip ukiaanerani ataatsimiinnissannut peqquneqarnissaannillu siunnersuuteqarmat.

ATASSUT-miit oqaatigeriissavarput siunnersuutigineqartoq tunngaviumik taparseratsigu. Pisariaqartuaannarpoq inatsit pisoqalisimappata naleqqussartuarneqarnissaat. Siunnersuuteqartoq isumaqatigaarput aalisartut pisassiissutinik tunineqarsimasut aningaasanik nalilerlugit tuneriarlugit aalisarfinnut aalisartakkamik asserluinnaanik pisassiiffiunngitsuni nuuttalersimasut ajornaquteqanngitsumillu aalisarnertik ingerlanneqartalersimasoq.

Naalakkersuisut ATASSUT-miit isumaqatigaagut oqarmata, aalisagartassiissutit akitsuutitigut akileraarutitigullu nunatta karsianut inuiaqatigiinnullu annertuumik iluaqutaammata. Siunissaq ungasinnerusoq eqqarsaatigalugu aamma inuusuttut aalisartunngorumaartussat eqqarsaatiginerullugit naleqqussaasoqartariaqarnera avaqqunneqarsinnaanngilaq.



## ATASSUT INATSIARTUNI

---

Taamatut naatsumik ATASSUT-miit oqaaseqarluta aalajangiiffigisassatut siunnersuut taperserparput, ukiamullu Naalakkersuisut siunnersuummik Inatsisartunut saqqummiukkumaagaannut suleqataaqqinnissatsinnut qilanaarpugut. Ilanngulugu inassutigissavarput siunnersuutip aappassaaneerneqannginnerani Inatsisartut Aalisarnermut Piniarnerlullu Atassimiititalianut suliassanngortinneqassasoq.